



誠齋集卷第二十四

廬陵楊万里廷秀



朝天集

偶送西歸朝天二集与尤延之蒙惠七言和
韻以謝之

西歸累歲却朝天添得囊中六百篇垂棘連城三倍
價夜光明月十分圓競誇鳳沼詩仙樣當有雞林賈
客傳我似岑參與高適姓名得入少陵編

右延之詩

梁溪歸自鏡湖天華捲湖光入大篇傾出錦囊和雨
濕烟如拓彈走盤圖許分句法何曾付自笑蕪辭敢
浪傳兩集不須求序引抵將妙語冠陳編尤大號梁
溪居士新
歸自朝
陵所

右和

跋王順伯所藏歐公集古錄序真蹟

遂初欣遇西詩伯臨川先生一禪客三人情好元不
踈祇是相逢：不得渠有正觀碑儂有永和詞真層
爭到底未說妍与媸珊瑚擊得如粉碎趙壁博城翻
手悔不似三家鬪斷碑夜半戰酣莫先退 皇朝愛

碑首歐陽集古万卷六一堂玄珪漆玉堆墨宝黠霜
黑水塗縑裳臨川无端汲古手席卷歐家都奄有岫
山科斗不要論峰山野火不經焚尤家沈家喙如鐵
未放臨川第一勲不知臨川何許得尤物集古序篇
出真筆遂初心妬口不言君看跋語枕悵然遂初欣
遇尤延
之沈虞卿自號也二公与順
伯皆喜叔碑刻各自誇尚

和趙稷臣惠詩軸

今代宗英政駿矣同居江介更同年別來十載長相
憶新聽十詩喜欵顛爽似月華秋豔：韻如荷葉夏
田：吹燈把翫舒還卷老眼惺鬆夜不眠

和段季承左藏惠四絕句

箇箇詩家各築壇一家橫割一江山祇知輕薄唐將
晚更解攀翻晉以還

遶莫蟠胸書似山更饒落筆語如泉陰何絕倒無人
怨却怨渠懷祕不傳

道是詩壇萬丈高端能办却一生勞阿誰不識珠將
玉若箇閑渠風更騷

四詩贈我儘新奇萬象從君聽指麾流水落花春寂

寞小風淡月燕差池

和張功父梅詩十絕句

今歲柴車搃未巾孤山龍井不曾行老无半點看花
意遮莫明朝雨及晴

道山堂後教株梅為底偏于雨裏開到得晴来无一
朵亂飛白雪點蒼苔

不是春光不早回却緣春雪勒疎梅詩人縱有催花
手有雪堪推花只推

淡：梅花不要裝真珠樓閣水精鄉騷人詞客犹愁
冷紫蝶黃蜂更敢忙

東皇歲：駕蒼龍只許仙妃万玉從天上冰霜清入
骨人間桃李若為容

約齋句子已清園更賦梅花分外妍不飲銷金傳玉
手却來嚙雪得詩肩

道是梅兄不解琴南枝風雪自成音玉繩低後金盆
落獨与此君談此心

橫斜影裏惜花殘忘却人間一鼠肝莫怨梅殘看不
足請君明歲早來看

要與梅花巧鬪新恨无詩句教黃陳約齋詩好人仍
好不怕梅花賽却人

老子年來不願餘抵慙霜鬢入金鋪故山自有梅千
樹夢繞橫枝燃斷鬚

去瑞香病葉

紫蕤落盡長情枝政是添新換舊時辛苦為渠耘病
葉慙慙挽住是游絲

和表起巖即中投贈七字二首

故人一別兩相思不但平生痛飲師曾次五三真事
業筆端四六更歌詩閉門覓句今無已刻意傷春古
牧之卧雪高人家譜在春風政看紫蘭枝

道場山下弄山泉餐餐菊細蘭萬物先送眼飛鴻高四
海補天健筆震三川池塘碧草回春夢衣鉢黃梅肯
夜傳雨不饒人有新句怨渠未許見全篇

跋袁起巖所藏後湖帖并遺像一軸詩中語
皆彙括帖中語也

先生向來落異縣故人十載不相聞歸來不但荒三
逕點檢松菊無一存裏輪加璧豈不好朝廷禮數優
遺老紅旗黃紙久罷休青山白雲苦死留咫尺西園
歸未得只待桃花水生半篙碧便拏短艇歸結茅共
尋赤松與黃石風煙之表非人間別有天地寬且閑
周山賣却不要錢袁家送酒一破顏猶嫌孤斟太落
莫更覓高人共杯杓銀鈎四紙墨尚鮮妙處難與俗
人言忽逢先生自天降手扶太一青藜杖仙容可望

不可親飄然飛去青霞上白蘋滿棹何時歸秋看蘆
花知不知

謝邵德稱示淳熙聖孝詩

古人浪語筆如椽何人解把筆題天崑崙為筆點海
水青天借作一張紙作高倚那周皇矣廷尉簿正邵
夫子淳熙聖孝貫三光題大如天誰敢當夫子一洒
金玉章銀河吹笙間琳琅吉甫奚斯鴻鴈行彼何人
哉唐漫郎夜來玉蟲雜金粟老夫春寒眠不足起來
拾得聖孝詩燈花阿那聖得知

題曾無已所藏高麗尺紙蔡君謨歐公筆蹟

三韓玉葉展明蠲諸老銀鈎卷碧鮮幸自不逢文與
可一竿秋竹掃風煙

夢種菜

予三月一日之夜夢游故園課僕夫種菜若秋
冬之交者尚有菊也夢中得菜子菊花一聯覺
而足之

背秋新理小園荒過雨畦丁破塊忙菜子已抽蝴蝶
翅菊花猶著鬱金裳從教蘆服專車大早覺蔓菁
撲鼻香宿未銷羹糝熟折醒不用柘為漿

謝曹宗臣惠雙溪集

君不見東陽沈隱侯君不見宣城謝玄暉兩處雙溪
清徹底二子詩句清於溪千載却有曹夫子天借故
人作詩地家在東陽寶婺邊官在宣城蓮幕裏溪光
溪滴作兩眼明溪秀吐作五字精開卷看來掩卷坐
詞波跳作雙溪聲無人寫作雙操收拾新篇句中
妙莫將沈謝鴻鴈行便與猗那薦清廟

過霸東石橋桐花盡落

老去能逢幾箇春今年春事不關人紅千紫百何曾
夢壓尾桐花也作塵

春雨呈袁起巖

昨日晴暄儘十分無端寒濕復今晨蒼顏華髮差排
老急雨顛風屏當春只有觀書堪遣日從來病眼不
如人詩名滿世真何用更賺先生願卜鄰

再和

三月陰晴頃刻分晚來非午二非晨閉門細草新蒲
雨過眼飛花落絮春顧我江湖釣竿客識君臺閣步
雲人柯山不患無人作音便合留中作近鄰

擬玉水記方流詩

觀水那無術曾於往記求是問還韞玉其外必方流
縝粟淵潛久英華氣上浮清波皆中矩寶履直橫秋

金海芒相貫璿源折以幽端如君子德不病暗中投

擬歸院柳邊迷詩

玉殿朝初退金門馬不嘶院深歸有處柳暗迹都迷
紫陌春無際青絲舞正齊風煙忘近遠樓閣問高低
殘雪鷺聲外斜陽鳳掖西少陵花底路物獻詩題

擬汲古得脩綆詩

學子研終古難將短淺求汲深欣得二操綆要脩二
遠酌源千載長縑思萬周初如泉眼隔忽若井花浮
意到言前達詞於筆下流昌黎感秋句聖處極宜搜
謝張功父送牡丹

病眼看書痛不勝
洛花千朵喚雙明
淺紅釀紫各新
樣雪白鵝黃非舊名
擡舉精神微雨過
留連消息嫩
寒生蠟封水養松
窓底未似瑤欄倚
半醒

張功父送牡丹續送醪醑且示醪醑長篇和以謝之

溪桃紅霞作紅雨
海棠飄盡春無處
約齋錦幄一夜
空行李移歸雪宮
住只道青蚨弱無力
飛上朱簷還
有翼貪看翡翠積成堆
忽吐瓊瑤真作劇
素影與月
相將迎綠雲和露
相扶擎南枝暗香久
寂莫此花與
梅同一清
老夫最愛嚼香雪
不但解醒仍滌熱
牡丹

未要煎牛酥醪醑相領入冰壺
約齋知我春愁重併
遣二友來相娛
惜無老盆一快舉
淡日微風花自舞
約齋詩瘦浪作癡君不見酒不到劉伶墳上土

和張功父送黃薔薇并酒之韻

海外薔薇水中州
未得方旋偷金掌
露淺染玉羅裳
已換桃花骨何須
賈氏香更煩麴生輩
同訪墨池揚
功父詩云已從槐
借葉更与菊為裳

和張功父聞子規

久雨今朝忽作晴
老人懷抱不勝清
仲宣久作登樓
賦望帝更吟當殿聲
春去春來渾是夢
花開花落若

為情歸心不用渠催喚自有江鷗與狎盟

跋范文公與尹師魯帖

帖云承朝車憇歇南亭未敢拜謁旦請與通判喫食所事不須與眾云云也當是尹責均州監酒自均來訪范於南陽時也

佳客千山得三來主人雙眼為渠開逢人莫說當時事且泊南亭把一杯

跋韓魏公與尹師魯帖

帖中語蓋韓公經略西事時以書與尹往還多謀畫軍事

侍中尺箒捷羗酋更得河南共運籌到得降書來北

關河南騎馬去均州

跋陳簡齋奏草

詩宗已上少陵壇筆法仍抽逸少閑真蹟總歸天上去獨留奏草在人間

又跋簡齋與夫人帖

帖云平江尚流兩日書中說錢盡再遣四尊家在錢塘身在蘇屢屢消息近來踈極知薪水無錢買且遣長鬚送乘壺

丘母太碩人臧氏輓詩之丘宗卿

行樂潘慈母榮封衛碩人金花五色誥雨葉六番春
白露凋萱慘青山拱木新九齡真上壽一子更名臣
共伯松楸後宗文玉雪初吹燈躬夜績聽子讀殘書
帥閩方蘭膳王畿又版輿藥成人不見月裏踏蟾蜍

劉平甫輓詩

忠孝元家法經綸豈嬾心日邊遲信息霞外且山林
風月詩天巧乾坤酒陸沉一生欠半面五字寄哀音
忠顯肩雙廟屏山錄二程嶺寒松節苦壇暖杏花明
君也孤傳業天乎獨短生子孫無一物故紙付渠耕

江西道院集

戊申四月九日得請補外初出國門宿釋迦寺
出却金宮入梵宮翠微綠霧染衣濃三年不識西湖
月一夜初聞南澗鐘歲室蓬山真昨戲園翁溪友得
今從若非朝士相追送何處冥鴻更有蹤

題南屏山吳教寺清曠樓贈釋訥律師

清曠樓中夕眺間落暉殘雨兩生寒樓中占盡南山
了更占西湖與北山

明發南屏

新晴在野花香過雨迤沙路長兩度立朝今結
局一生行客老還鄉
九

肺腸到得前頭上舡處笑將白髮照滄浪

過南蕩

秧纒束髮幻相依
麥已掀髯喜可知
笑殺槿籬能耐
事東扶西倒野醪醪
近岫遙峰翠作圍
平田小港碧行遲
垂楊一徑深
去阿那人家住得奇
政好行時莫嬾行
猶寒未熟雨初晴
江西休問何時
到已離南屏第一程

過揚村

石橋兩畔好人烟
匹似諸村別一川
揚柳陰中新酒

店蒲萄架底小漁船
紅白花臨水碧黃麥
際天政爾清和還在道
為誰辛苦不歸田

側溪解纜

夢裏喧聲定不凡
順風解纜破晴嵐
起來職事惟洗面
此外功名是掛帆
莫笑一蔬兼半菽
飽餐萬壑與千岩
蓬萊雲氣君休望
且向巖灘濯布衫

洗面絕句

浙山兩岸送歸艍
新擣春藍淺染蒼
自汲江波供盥漱
清晨滿面落花香

舟過桐廬

瀟洒桐廬縣寒江繚一灣朱樓隔綠柳白塔映青山
推子排窓出舟人買菜還峰頭好亭子不得一躋攀
近縣人二喜來船岸二移偶因小泊處恰是早餐時
喚僕荅相亂看山寒不知橫洲猶半在今歲水生遲
後面山無數南頭柳更多人家逼江岸屋柱入滄波
老去頻經此重來更幾何牛山動悲感曾侍板輿過

留港灘

此去嚴州只半程一江分作兩江橫忽驚舟背青山
下却有帆檣地上行

午睡聞子規

睡眠鬆鬆未爽時一聲杜宇頓開眉不須報道思歸
樂今我真歸不用思

已過胥口將近釣臺

睡起衣襟亂頭巾百摺痕帆端風色緊船底水聲喧
胥口寬餘浪嚴灘釣處村因行還訪古故老莫能言

釣臺

釣石三千丈將何作釣絲肯離山水窟去作帝王師
小范真同味玄英也並祠老夫歸已晚莫遣客星知

蘭溪女兒浦曉寒

前年寒早熱亦早去年寒遲熱亦遲何曾寒暑有遲

連通融三年船兌支人生何必早得意芍藥榮時牡
丹瘁榮枯遲速一笑休順風今日好行舟

橫山塔

相識橫山塔于今十五年孤標立絕頂禿影照清川
寂寞無香火將迎幾舫船吾衰豈重過珍重塔中仙

舟過蘭溪

駕雨顛風過即虛殺風急雨有還無雲山奔走無停
住岸樹欹斜不要扶船底石聲知淺水沙頭笠影倦
牽夫金臺祇在橫山背便到金臺也日晡

嘲穉子

雨裏船中不自由无愁穉子亦成愁看渠坐睡何曾
醒及至教眠却掉頭

雨中遣悶

船蓬深閉膝難安四面千峯不得看莫厭霏微悶人
雨挿袂怕熱愛輕寒

橫山江岸

近船古岸不勝高浪劃濤剗似削刀層石層砂層膩
土僧厨蒸出栗黃糕

舟中午睡

一葉搖无定昏然妙思通化為溱園蝶飛入大槐宮

有酒相勾引，无茶作寇戎。平生眠不足，还倩艣声中。

炙蒸餅

圓瑩僧何矮，清鬆絮尔輕。削成瓊葉片，嚼作雪花声。
炙手三家市，焦頭五鼎烹。老夫飢欲死，汝輩且同行。

睡起觀山

過雨前汀未可登，寒篷小散睡。曾騰船頭政好看，山色一點江風冷似冰。

柴步灘

江濶水不聚，分為三五灘。遂令客子舟上灘，一一難。
小沙已城洲，大洲已成山。山有樹百尺，樹圍屋數間。

水底復生洲，沙濕猶未乾。從此洲愈多，安得水更寬。
憶從嚴陵歸，水落不能湍。拖以數童僕，折却十竹竿。
今茲過吾舟，念昔猶膽寒。

東磧灘

江船初上灘，水政勃怒船工與水鬪。水力攔船住，
琉璃忽破碎，冰雪迸吞吐。竟令水柔伏，低頭船底去。
朝來發盈川，已過灘十許。但聞浪喧闐，未覩水態度。
却緣看後船，偶爾見竒處。從此至三衢，猶有灘四五。

將至地黃灘

未到地黃灘，十里先聞聲。檣竿已震掉，未敢與渠爭。

舟人各整篙有如大敵臨摹蓬試一望濺雪紛淙琤
乃是水磴港為灘作先鳴真灘定若何老夫虛作驚

蘇木灘

灘雪清濺眸灘雷怒醒耳落洪翠壁立跳波碧山起
船進若戰勝船退亦遊戲若非篙師苦進退皆可喜
忽逢下灘舟掀舞快雲駛何曾費一棹纔瞬已數里
會有上灘時得意君勿恃

遼車灘

東岸上不得西岸上更難五船往復來經緯灘兩間
一船初徑進當流為衆先濤頭打澎湃退縮不敢干

一船作後殿忽焉突而前瞬息越湍險回顧有矜顏
老夫與寓目亦為一粲然

舟中新暑止酒

新暑酒不宜作熱妨夜睡不如看人飲亦自有醉意
彼飲吾為嘔所羨過於味同舟笑吾癡吾不羨渠醉
安知醉與醒誰似誰不似

過查瀨

眼底常山一武中上灘更得半帆風青天以水為銅
鏡白鷺前身是釣翁舊日岸頭渾改盡數尖山背忽
攬空老夫只費五六日行盡浙山西復東

舟過大水旁羅灘渴甚小飲

熟水無多喫烹茶未要來從教十分渴連掃兩三杯
岸樹背船走江波閃日開靈山定能飲分酌碧蓮醅

信州酒名
碧蓮堂

過鉛山江口

下却諸灘水漸平舟行已遠上饒城酒家便有江鄉
景綠柳梢頭掛玉瓶

過弋陽觀競渡

急鼓繁鉦動地呼碧瑠璃上兩龍趨一聲翻倒馮夷
國千載淒涼楚大夫銀椀錦標誇勝捷畫撓繡臂照

江湖三年端午真虛過奇觀初逢慰道塗

靈山

碧

饒水回三轉靈山面三逢展成青步障歛作望芙蓉
變態百千樣尖新三兩峰遠看方更好還隔翠雲重

龜峰

明發大琛山龜峰引頸來對面亭午過弋陽龜峰縮
頭不相見綠毛蒙茸淨如染紫殼輪困有斑點不知
七十二鑽神不神桃花市裏看最真

五月一日過貴溪舟中苦熱

半月陰涼天氣佳今朝新暑不饒些一生怕熱長逢

熱千里還家未到家入却船來即得出恰方日午幾
時斜勸君莫愛高官職行路難時却怨嗟

初二日苦熱

人言長江無六月我言六月無長江只今五月已如
許六月更來何可當船倉周圍各五尺且道此中底
寬窄上下東西與南北一面是水五面日日光煮水
復成湯此外何處能清涼掀篷更無風半點揮扇只
有汗如漿吾曹避暑自無處飛蠅投吾求避暑吾不
解飛且此住飛蠅解飛不飛去

端午前一日阻風鄱陽湖觀競渡

惡風夜半阻歸船端欲留人作勝緣千里携家觀競
渡五湖新漲政黏天棹翻波浪山如雪醉殺兒郎喜
欲顛得去更佳留亦好吾曹何處不欣然

初六日過鄱陽湖八相見灣

阻風兩日卸高桅笑傲江妃縱酒杯及至絕湖纔一
瞬翻令病眼不雙開蘆洲荻港何時了南浦西山不
肯來相見灣中悶人死一灣九步十縈迴

過趙家莊

老子方孤悶西山忽在旁回頭鄔子若明眼趙家莊
試飲章江味中涵吉水香望鄉儂已喜而况到吾鄉

十五日明發石口遇順風

泝流淺水刺樓船百棹十篙祇不前一夜波聲喧到
曉北風氣力欲翻天挂帆未了青泥過轉眼相將玉
筍邊無數小舟俱在後追儂不及指為仙

山居午睡起弄花

五年出仕喜還家雙桂成陰不闕些午睡起來無理
會銀盆清水弄荷花

數片荷花漾水盆忽然相聚忽然分從教壓捺沉盆
底依舊浮來無水痕

浸得荷花水一盆將來洗面漱牙根涼生鬢鬢香生

類沉麝龍涎却是村

賀必遠叔四月八日洗兒

年：四月初八日水沉湯浴黃金佛今年大阮當此
時真珠水洗白玉兒吾家英傑相間起曾出關西老
夫子公家宣和中大夫大江之西推名儒六十年来
誰繼渠願兒長成讀祖書再起門戶光鄉閭

七月二十三日南極老人星歌上叔父十三

致政一杯千歲之壽

淡溪居士登九齡朱顏青鬢如後生橫拖仙人綠玉
杖倒誦上帝黃庭經璇霄仙籍書姓名丹霞染誥金

花綾近來更覺
雙眼明夜拙
蠅頭窓下灯
登山臨水
兩脚輕御風
騎氣不用行
何人有筆
无塵鵝溪一
幅為寫真
烏紗白苧坐
鼓琴上有千
歲長松青令
威
旁舞玄天
听笛是活底
南極老人星

秋暑

夏暑減未曾
秋暑增愈劇
老翁避无處
茅斋聊憇息
銀盆滿注水
銀水同一色
中涵双挂影
倒卧一天碧
清光湛不動
欲弄还復惜
偶然一播灑
樹影碎相激
洗面凉已滋
漱齒痛仍逼
平生畏秋暑
老去畏弥極

讀漢書二首

猿臂生何晚
彫虫死較遲
晚生妨底事
遲死独堪悲
乃祖寬仍豁
曾孫察作明
不將囊底智
分減及元成

誠齋集卷第二十五

詩

江西道院集

送吉州太守朱子淵造朝

廬陵難做定何如請看黟川朱大夫秋月滿懷春滿
面視民如子吏如奴萬艘白餐何曾欠百雉金城舊
更無歸侍玉皇香案了甘棠便是瑞蓮圖

郡中三瑞堂前生數

枝雙頭蓮子淵畫為圖

公在鄉邦我在京百書終不慰生平西歸一見還傾

蓋夜坐相者話短檠老去可堪頻送客古來作惡是
離情雲泥隔斷從今始肯倩征鴻訪死生

感秋五首

昨扇猶午攜今裳覺晨單起來且復卧未敢窺柴關
不知病至此為復老使然平生性剛燥畏熱長喜寒
念昔忝鄉賦踐雪詣春官布褐背不續芒鞋蘭且穿
長亭夜濯足吹燈呻故編買酒破孤悶浩歌殷屋椽
何曾悲廩秋山稜聳矐肩秋風吹我髓秋露滴我肝
我欲與秋敵秋先令我酸歎息復嘆息誰是長少年
盥漱已云畢危坐正冠衣攬鏡忽見我不識我為誰

自倚身尚強不悟年已衰舉頭視嘉木向人慘無姿
我欲訴渠老渠乃懷秋悲木悲不解飲瑟聲怨咨
我且呼麴生細斟酌之我醉不知我更知春秋為
隕照趣夕黯孤燈啓宵明老夫倦欲睡似醉復如醒
寸心無寸恨坦如江海清秋蛩何為者四面作怨聲
凄惻竟未已抑揚殊不平切百十語遞三四更
遠砌尋不得靜坐復爭鳴有口汝自苦我醉不汝聽
秋曉寒可忍秋夕永難度青燈照書冊兩眼如隔霧
掩卷却孤坐塊然與誰語倒卧不得起行無處
屋角忽生明山月到庭戶似憐幽獨人深夜約清晤

我吟月解聽月轉我亦步何必更讀書且与月聯句
平生畏長夏一念願清秋如何遇秋至不喜却成愁
書冊秋可讀詩句秋可搜永夜宜痛飲曠野宜遠遊
江南萬山川一夕入寸眸請辦雙行纏何處無一丘

寄題蕭民望齊雲樓

下詠山尖碧雲起添得奇峯三四崑老人登樓來看
雲下瞰雲端在平地急呼雲師令執鞭我欲乘此追
羣仙蓬萊閬風偏遊覽歸來落月滿晴川

寄題李俊臣南樓

庾家南樓天下無李家南樓何似渠玉簪碧山羅帶

水眼界風煙且千里何須橫陳鸚鵡洲月挂欄干西
角頭謫仙子孫五鳳手安得長江化作一杯酒

送劉子思往衡湘

浩齋先生第一孫秀峰後進第一人向來著論三分
國喚起阿瞞戮姦魄有司手持金粟尺越羅蜀錦遺
道側洞庭昨夜起霜風翩然欲登石廩與祝融歸來
定有驚人句肯寄江西道院翁

夢作碾試館中所送建茶絕句

天上蓬山新水芽羣仙遠寄野人家坐看寶帶黃金
鈔吹作春風白雪花

寄題安福彭文昌春風樓

沂水何人解問津樓中蠹簡拂蛛塵杏花壇下朱絃
瑟十指風生別是春

不到安城二十年故人相憶兩依然彭家樓上春風
裏夢倚危欄俯百川

將赴高安出吉水報謁縣官歸塗宿五峰寺

風暄雨暖日和柔道是穠春不道秋楚江楓新結

東柿紅衫子錦纏頭

野寺重來記昨遊一彈指頃幾經秋五峯絕頂雙松
樹相識兒頭到白頭

明發五峰寺

歸時路何近去時路何遠山路無短長人心有往返
每因赴官期一出謁鄉縣若非人事牽無奈老身嬾
初心作此行夜雨醒醉眼孤愁念群驕尺泥滑雙趺
首塗天全濕回轍雲半捲投寺借松牀呼僧同野飯
頽然佳眠足得此行復倦暫勞新不堪遐征舊所歎
松菊豈不懷樊籠何時免瘦藤要覓閑到了古道院

初入筠州界高岡鋪

千尺霜松夾道周國初涼繖至今番筠州舊是朝天
路六十年來行信州

路人號夾道
松為涼繖樹

贈別羅時清

四歲相從亦快哉東遊興盡却西回詩中風月無疆
界聖處宮庭元洞開握手論文兩婁斷登山臨水重
徘徊亦山亭下梅花徑明日先生獨自來

己酉上元後贈劉子才

書臺城西幽絕處古木排霄莫荒路空齋深夜四無
人維予二人聽春雨我如病鶴子茁蘭長幼不同
少年聞子誦書金應玉看子落筆山飛泉別來幾何
如昨日我老過前子非昔來年裏硯試集英側耳
傳第一聲

二月十一日夜夢作東都蚤春絕句

道是春來早如何未見春小桃三四點偏報有情人
和尤延之見戲觸藩之韻以寄之

懷爰山行君水遊尊前風味獨宜秋文戈却日玉無
價器寶羅胃金款流欵唾清園談者詘詩章精悍古
人羞子房莫笑身三尺會看功成自擇留

郡圃上巳

旋收雨夕放晴晨禊日風光正可人間白參紅方是
錦踈桃散李不成春

散音
上声

尋春不見只思還却在來仙小嶼間映出一川桃李

好只消外面矮青山

看小舟除萍

花伴吟哦柳伴行生憎庭外晚衙聲
獨携便面巡荷沼自課蘭舟掠水萍

歲：荷花苦未多綠萍蓋水礙新荷
請君六月重來看雲錦千機不犯梭

讀退之李花詩

桃李歲：同時並開而退之有花不見桃
惟見李之句殊不可解因晚燈碧落堂
望隔江桃李桃皆晴而李獨明乃悟其
妙蓋炫晝縞夜云

近紅暮看失燕支遠白宵明雪色奇
花不見桃惟見李一生不曉退之詩

郡圃曉步因發披僊閣

昨來風日較暄些破曉來遊特地佳
也自低頭花下過依前撞落一頭花

李花半落雪成堆末後桃花錄續開
白錦地衣紅錦障侵晨供張等儂來

五百佳時更絕晨園丁猶未放遊人
瘦藤拄上披僊閣四面花光照殺春

只道春來不見痕風邀雨勒未快人
暄雲淑日消多

少花柳忽了却春

朝報春花

嫩黃老碧已多時
駸紫凝紅略萬枝
始去聲有報春三
兩朵春深猶自不曾知

垂絲海棠盛開

垂絲別得一風光
誰道全輸蜀海棠
風攬玉皇紅世
界日烘青帝紫衣裳
嬾無氣力仍春醉
睡起精神欲
曉粧舉似老夫新
句子看渠桃杏敢承當

酴醾初發

一春長是怨春遲
過却春光揔不知
已負海棠桃李

了再三莫更負酴醾

荷亭倚欄

魚跳龜戲不曾閑
萍蓋荷生尚未繁
水面圈紋亂相
入玻瓈盆旋玉連環

披僊閣上觀酴醾

仰架遙看時見些
登樓下瞰脫然佳
酴醾蝴蝶渾無
辨飛去方知不是花
酴醾約我早來看
及至來看花已殘
動地寒風君莫
怯亂吹香雪灑欄干

赤山亭前梅子

道傍小樹復低枝
摘盡青梅肯更遺
偶爾葉間留一
箇且看滿眼幾多時

塹荷池水

雨中來看塹池塘
自與畦丁細校量
更放水痕高幾
許浮荷猶剩若干長

初夏玉井亭晚立

冶蘂倡花一雨空
鮮晴新漲未虧
濃竹兼樹影眠天
底人凭欄杆立鏡
中看盡水衣投北
岸方知今日是
南風黃鸝對語無
尋處忽見雙飛入
別叢

送曾無逸入為掌故

吉文江水走玉虹
我家水西君水東
有時相思即命
駕連牀夜雨聽松
風中間薄宦各分
散南飛駕鵝北
飛鴈朝來驛騎打
譙門有客有客來
相見聞君携家
入帝京推鼓發船
天上行也能枉轍
九十里來訪江
西道院僧詩家兩
僊宿臺省紅藥蒼
苔紫薇影若問
山僧作麼生日晏
鸞啼眠不醒

觀荷上雨

細雨霑荷散玉塵
聚成顆小珠新跳
來跳去還收
去抵有瓊拌弄水
銀

筠庵

故老談李僊晉日上寥廓隨身無長物止跨一隻鶴
鶴本非胎生右卯尚遺殼十年石似堅覆在鳳山脚
寒宵晦風雨神光照巖壑犬吠雞夜鳴龍泣人寢愕
祇今筠庵是因物非繩削當時菹破處作門不關鑰
蓋以一把茅聊以護霜電遐瞻如翁翁蓑衣逐層著
我來驗幽討意尚疑謗譎霧中披羽衣砌下脫芒屨
入戶環仰觀中空生響諾不見朱頂雛猶存雪色膜
松梢雙老鶴戛然下簷角老夫忽心驚不敢小盤礴

晚步

清水芙蓉未肯開暑天花草底差排鹿葱金鳳何為

者也得園亭護兩堦

翠樾亭前鸚鵡巢

仰聽金衣語偶窺鸚鵡巢深穿喬木裏危挂弱枝梢
啄菹雙子經營寸茅何時雛脫殼新哢響音交

新暑追涼

去歲衝炎橫大江今年度暑卧筠陽滿園無數好亭
子一夏不知何許涼待等老夫親勘當更招幽鳥細
商量朝慵午倦誰相伴貓枕桃笙苦竹林

書孫公談圃談圃載子由為黃白術將舉火
一猫據爐而溺須臾不見

少許丹砂和水銀鍊成紫磨賺癡人潁濱莫笑狸奴
着却恐狸奴笑潁濱

無訟堂觀簷間蛛絲

蛛蜘蛛作網祇愁疎密了還遭小雨餘漏却飛蟲渾細
事無妨網得萬真珠

黃世成挽辭

文初高無對功名莫動渠寧登逸民傳不著茂陵書
誰謂風流盡猶疑信息疎九京何所憾玉樹滿庭除

筠庵午憩

筠庵稍不至一至一回好風從秋梢落吹亂竹根草

巾屨上下涼鶯鵲左右噪市聲元不近靜聽遠亦到
石磴坐來溫蘇徑淨如掃書空作愁字已忘偏旁了
猶自忘了愁而况記得老客來談世事欲笑還嬾笑

玉井亭觀荷花

藻僊初出波照日揖猶怯密排碧羅蓋低護紅玉頰
館之水精宮環以瑠璃堞珠明浮盤戲酒漾流杯擘
青筆尖欲試綠牋皺還摺老龜大於錢辛勤上團葉
忽聞人履聲入水一何捷

碧落堂暮景輓轡體

碧落堂中久眺餘一聲哀角裂晴虛滿城煙靄忽然

合隔水人家恰似無坐看荷山沉半脊急歸道院了
殘書意行花底尋燈處失脚偏噴小史扶

金鳳花

細看金鳳小花叢費盡司花染作工雪色白邊袍色
紫更饒深淺四般紅

雨過郡圃行散

劔池一日百週遭雨後閑來照鬢毛主管園林鸞鶴
意巡行荷芰鷺宣勞不須見我還飛去便與移文告
汝曹一事惱人無問處南山高是北山高

閏五月十四日因哭小孫子蓬孫歸志浩然

憲孫哭了哭蓬孫老眼元枯也濕巾名宦何須深插
脚山林從此早抽身禍無避處唯辭福命不如渠強
學人吟了此詩還毀了莫令一讀一傷神

憲蓬二
孫小字

感興

去國還家一歲陰鳳山錦水更登臨別來蠻觸幾百
戰險盡山川多少心何似閑人無藉在不妨冷眼看
昇沉荷花正鬧蓮蓬嫩月下松醪且滿斟

後圃散策

花徑雨後涼樹聲風外戰杖屨頓輕鬆兒女同行散
少者前已失老者後仍倦隔林吹笑語相聞如對面

明去人近眇。彌步遠松杉滿地影。一瞬忽不見。
仰觀紫日輪。偶度白雲片。佳處留再來。前山未須徧。

筠庵晚睡

碧玉新篁翳洞天。紺珉方斛貯山泉。腕中赤脚長松
下。何處人間更有僊。
一戶元無白板遮。兩牕新染藕絲紗。竹床品字排三
隻。睡殺山風醉殺霞。

享了荷花上番聲。香却穿竹徑百弓長。滿園亭榭都
參遍。祇有筠庵第一涼。

觀迎神小兒社

花帽銖來重綃裳。水樣秋強行終較。嬾妍唱却成羞。
鸚鵡棲葱指芙蓉。載錦舟休看小兒社。只益老人愁。

寄奉新鍾宰

傳語清心閣。欣逢詩主人。鸞花無恙否。風月一番新。
舊日行吟處。今來跡已陳。應憐楊縣尹。鬢鬢兩如銀。

雨後晚登碧落堂

清晨上碧落。親手啓後戶。斜東見西山。粹碧無纖霧。
須臾半崦間。冉動微絮。吹作千峯雲。立變萬姿度。
正北尋米山。遙隔一片雨。亭如仙子曉。起澣月露。
天衣異人世。一色製輕素。兩山誰不奇。裴回未能去。

玉井亭觀白蓮

紅芙蓉雜白芙蓉紅底終稠白底踈速折當頭一蓮
葉莫令遮却雪肌膚

白蓮出水是青蓮昨日微舒帶酒顏踏月來看開盡
了露華新洗玉杯寒

新秋晚酌

胡床東鄉坐秋風忽淒其老夫衰病骨急令閉東扉
西扉亦半掩壓風作東吹何必風及我風入涼自馳
晚蟬見誰說我飲渠便知飛從何方來徑集庭樹枝
三嘆復九詠話盡新秋悲我老悲已忘汝語復為誰

老烏啼一聲不知蟬所之

碧落堂曉望荷山

荷山非不高城裏自不見一登碧落堂山色正對面
如人卧平地躍起立天半指揮出伏兵萬騎橫隔岸
後乘來未已前驅瞻已遠晨光到岩壑人物俱舊綯
綠屏紛開闔翠旗閃舒卷安得垂天虹橋虛度雲巘
老鈴偶報事郡庭集賓替忽心換山中默下林坂

午憩筠庵

筠庵偶坐處適當樹闕間遠山不見我而我見遠山
清風隔江來宛轉入松闥翠蕉自搖扇白羽得暫閑

可憐三竹牀睡偏復循環秋暑自秋暑山寒自山寒
小吟聊適意美惡不必刪

題無訟堂屏上袁安卧雪圖

雲牕避三伏竹床橫一丈退食急租跣病身聊偃仰
有夢元無夢似想亦非想滿堂交冥晦寒陰起森爽
門外日如焚屏間雪如掌蕭然聳毛髮皎若照襟幌
拔地排瑤松倚天立銀嶂遙見幽人廬茅棟壓欲響
有客叩柴門高軒隘村巷剥啄久不聞徒倚覺深悵
幽人寐政熟何知有令長誰作卧雪圖我得洗炎瘴

七月十日大雨曉霽登碧落堂

青天送歸雲整如勞還師顏行有喜色廝役爭奔隨
晨曦映踈雨寶燈貫銀絲落面何曾濕灑空不勝微
老夫銳登山半嶺驚欲歸仰視得奇觀徒倚為久之
誰言李成巧此畫天下稀却登碧落堂回面天風吹
葛製忍秋寒前夕酷暑時

微雨玉井亭觀荷

猛雨打萬荷怒聲戰秋聲水銀忽成泓一寫無復遺
不如微雨來翠盤萬珠璣荷翻珠不落細響密更稀
清如雪觸窓三更夢聞時語君不信對鏡當自知

碧落堂晚望

暮笳聲裏暮雲生白。非煙覆一城。祇有青林遮不
得。兜羅錦上綠琴橫。

觀書

書冊不可逢。得放不得看。得眼昏花放了還太息。
掩卷味方深。豈問忘與憶。是身何曾動。忽然超八極。
祇言半窓間。不是華胥國。

中元日曉登碧堂望南北山二首

節裏少公事。底忙起侵晨。望秋怯殘暑。及此東未暝。
登山俯平野。萬壑皆白雲。身在白雲上。不知雲繞身。
米山不知重。近見三兩壘。遠者淡不真。眇與天相接。

晨光染紅雲。正向山外貼。映出青萬層。還與雲俱滅。

答陸務觀佛祖道院之戲

老禪分得破叢林。薄供微齋也不曾。道院勅差權院
事。筠庵身是住庵僧。人間赤日如火。松下清松獨
似冰。別有暮春沂水在。為君一滴灑千燈。

寄中洲茶與尤延之。延之有詩再寄黃壁茶。

仍和其韻

詩人可笑信虛名。擊節茶芽意不輕。爾許中洲真後
輩。與君顧渚敢連衡。山中寄去無多子。天上歸來大
瘦生。更送玉塵澆錫水。為搜孔思攬周情。

延之寄詩覓道院集遣騎送呈和韻謝之

與君鬢髮揔星星。詩句輸君老更成。別去多時頻夢見，夜來一雨又秋生。故人金石情猶在，贈我瓊瑤雪似清。誰把尤揚語，同日不教李杜獨齊名。

祇召還京題江西道院

病身抵要早投閑，乞得高安政小安。山水秋來渾是畫，樓臺高處自生寒。登臨未定還辭去，老大重來畢竟難。碧落翠微好將息，清風明月夢中看。
郡圃鳳山佳處有碧

落堂翠微亭

問塗有日戲題郡圃

今日郡圃放遊人，懊惱遊人作撻春。到得老夫來散策，亂吹花片揔成塵。商量歲後牢關鑰，拘管風光屬病身。造物嗔儂先遣去，遣儂去不須嗔。

辭棲真室蓋晉僊人李八百故居之址中有

遺像云

李真宅子故依然，道院西偏古洞前。一日身遊八百里，三番花落九千年。劒池丹井俱蒼蘚，絳節霓旌已碧天。借問飛僊那用步，行猶是地行仙。

留題筠庵以茅蓋層如蓑衣然

茂林脩竹翠光中，那得披蓑一老翁。白石砌成珠子

徑黃茅裏却水晶宮夏涼冬暖非人境雪打霜封即
釣蓬老子明朝便東去更携瓦枕享松風

留題碧落堂

僊人白石上青冥千載如聞月下笙南北萬山俱在
下中間一水獨穿城江西箇是絕奇處天下幾多虛
得名勝閣孤臺非不好祇緣猶帶市朝聲

明發生米市西林寺進退格

貪睡能無起挑燈強未殘春聲忙野店月色澹柴門
又踏黃塵路前追紅葉村秋衣那敢薄病骨自難溫
自生米小路出舞陽渡

獨徑千盤繞水田初逢官路一欣然舞陽渡口新河
水白髮重來二十年

羲娥謠

中秋夜宿辟邪市誥朝早起曉星已上日欲出
而月未落光景萬變蓋天下奇觀也作羲娥謠
以記之

羲和夢破欲啓行紫金畢逋啼一聲從天上落人
世千村萬落雞爭鳴素娥西征未歸去簸弄銀盤浣
風露一丸玉彈東飛來打落桂林雪毛兔誰將紅錦
幕半天赤光絳氣貫山川須臾却駕丹砂轂推上寒

空輾蒼玉詩翁已行十里強義和早起道無雙

小憇土坊鎮新店進退格

下轎逢新店排門得小軒中間一棊几相對兩蒲團
椽竹青留節簷茅自帶根明窓有遺恨接處紙痕斑

過羅溪南望撫州泉嶺

泉嶺諸峰太劣生與儂爭走學儂行蒼官總上山頭
去一色前驅妮翠旌

羅溪望夫嶺

小憇村店問嶺名云望夫七娘歲早禱雨必應
藁砧不寄大刀頭化作峰頭石也愁豈有心情管風

雨向人彈淚繞天流

題羅溪李店

棟宇整齊窓戶明一峯對面一江橫下程長是無佳
店佳店偏當未下程

羅溪道中

每歲秋猶熱今年閏故涼松栢青有數山遠碧無常
陣、金風細家、玉粒香祇言官路短堠子暗添長

誠齋集卷第二十六

詩

江西道院集

戲贈江干蘆花

避世水雲國卜鄰鷗鷺家風前揮玉麈霜後幻楊花
骨相緣詩瘦秋聲訴月華欲招蘆處士歸共老生涯
詠十里塘姜店水亭前竹林

一見此君面荒村不是村斜陽與可筆棲雀子敲魂
客思方無那詩愁得共論問渠能飲否把酒酌霜根

廬陵楊萬里廷秀

題姜店水亭子

簾拂雲間竹牕搖水下天攔干斜倚處風物正凄然
送眼看羣叟收罾得小鮮可憐碧玉沼不種一枝蓮
待家釀未至且買姜店村酒

奔走人都倦擔柴酒未來那能待竹葉隨喜喚茅柴
蘆蕨仍多煮菴摩帶淺煨深村市無肉草二三杯

十里塘觀魚

予晚宿十里塘姜店見漁者紛集勞而無獲蓋
塘主已盡其利因不禁漁者故也嘲以絕句

銀塘打盡萬銀梭岸上笊箸來正多船載月明猶有

月無船無月欲如何

再觀十里塘捕魚有歎

漁者都星散那知不是員忽然重舉網何許有逃鱗
暗漉泥中玉光跳日下銀江湖無避處而况野塘濱

題十里塘夜景

物色當秋半生臨更夜闌山光倒眠水影上搖山
宿鷺都飛去漁人獨未還老夫與明月分割一清灣

南望閣皂山

予去歲歸舟至豫章即望見閣皂山今月十四日
曉過登米渡復見此山自此日見之愈遠愈見

三十七日未至進賢縣五里所乃不見
慙愧多情閤皂山去年迎我上西船今來送我還東
去四日相隨到進賢

晨炊熊家莊

朝饑一眼望炊煙繞盡長溪過盡山承露絲囊世無
樣蜘蛛偷得掛籬間

道傍小松

小松如小兒能坐未能立亂髮覆地皮勁氣排雪汁
誰將救暈手種此青戟秋陽暴行人清蔭何時及
行役有歎

去年丐西歸謂可休餘生今年復東下駕言入神京
卧治方小安趨召豈不榮何如還家樂醉吟聽溪聲
百年幾暄涼再歲三征行却羨路旁叟白首不到城
人生如風花去來能與爭且隨風吹起會當風自停

山店松聲

脩塗殘暑僕夫勞午憩茅簷尺許高忽有涼風颭然
起小松呼舞大松號
松本無聲風亦無適然相值兩相呼非金非石非絲
竹萬頃雲濤殷五湖

池陂鄧店松林

破店誰相伴疎松對作行捲鱗乾不脫落子拆猶香
聲攬三更夢陰和片月涼吾廬萬株碧回首暮蒼

嘗諸店酒醉吟二首

飲酒定不醉嘗酒方有味清濁與醇醜雜酌注愁肺
偶爾遇真趣顏然得佳寐醒人作醉語：好終不是
我飲無定數一杯復一杯醉來我自止不須問樽壘
白眼望青天為我開青天不開時我醉眠蒼苔

煙林曉望

一疊青松一疊煙橫鋪平野有無間真成萬丈鵝溪
絹畫出江西秋曉山

也沒炊煙也沒雲日光烘起楚山氛却將重碧施輕
素不見天工一筆痕

過上笕岡

木落初宜菜亭荒不復茅牛分叉路口鶴立禿松梢
秋熟方昇日朝涼更迥郊衰年走塵鞅何計返雲巢

曉風

晴暑遲旋旆新風急解紛白翻蕎處雪黃擺稻中雲
動地休多怒披襟且一欣長松十里徑樹：供清聞

晨炊旱塘

一歲官拘守一州天將行役賜清游青山綠水留連

客碧樹丹楓點綴秋夜夢晝思都是景左來右去不
勝酬我無常偃丹青手只向囊中句裏收

進賢初食白菜因名之以水精菜云

新春雲子滑流是更嚼冰蔬與雪蘆靈隱山前水精
菜近來種子到江西

江西菜甲要霜裁逗到炎天總不佳浪說水菘水蘆
蕨硬根瘦葉似生柴

田家樂

稻穗堆場穀滿車家雞犬更桑麻漫栽木槿成籬
落已得清陰又得花

道傍怪松

夾路長松去、幽一松奇怪獨凌秋兩枝垂地却翻
上活走雙龍戲翠毬

過潤陂橋

潤陂初上板橋時欲入江東尚未知忽見橋心界牌
子脚根一半出江西
却憶庚寅侍板輿過橋、斷費人扶重來一見新橋
了淚濕秋風眼欲枯
歷覽溪中有底鳴肅然蘆葉蓼花汀元來轎頂鳴鳴
響將謂風聲是鴈聲

小憇揭家園諦觀桐陰

仰看陽光只見空不如影裏看梧桐莫言日脚無行
跡偷轉零分破寸中

宿花斜橋見雞冠花

出牆那得丈高雞只露紅冠隔錦衣却是吳兒工料
事會搭真箇不能啼

陳倉金碧夜雙斜一隻今棲紀消家別有飛來矮人
國化成玉樹後庭花

小箬嶺望見靈山

青鞋紫陌倦黃埃送眼靈山一快哉碧玉熏爐天半

立青蓮花萼霧中開宿雲準擬偷將去曉日殷勤喚
出來欲琢新詩鑱絕壁梯空上去御風回

八玉山七里頭

諸村不雨數旬餘此地瀕江萬寶蘇晚紫豆花初總
角早黃稻穗已長鬢回頭金步野徑遠當面玉山秋
塔孤偶見年時解船處客愁依舊掛菰蒲

步市初
出官路

過玉山東三塘

筍輿拾得小涼天旋與開窓急捲簾十里輕雲閣秋
日：光移在遠峰尖

遠峰隔水醒人心一半斜陽一半陰
僊子更衣晚粧束紫茸領子翠毛衫

赤日中塗綠樹陰肯將碧繖借行人
片雲忽在樹頭上笑却點勞底得身

身行衢信雨中間夾路尖峯面
寒只道秋山似春笋不知春笋似秋山

縹車香裏過征衫白繭黃絲兩
三不是秋風上饒路一生不信有冰蠶

金雞石在玉山東

相傳石裏雨金雞不記胡商鑿
取時一隻遭擒一飛

去至今月落不曾啼

頭高尾下翠毯却恐相傳是妄談
十七里頭徐老

店簷東道北橋南

秋山

休道秋山索莫人四時各自一番新
西風儘有東風手柿葉楓林別樣春

烏白平生老染工錯將鐵皂作猩紅
小楓一夜偷天酒却倩孤松掩醉容

宿查瀨

寒流一帶檻前橫落日諸峯霞外明
水斷新洲添五

里客尋舊路却重行江車自轉非人踏沙碓長春徹
夜鳴疇昔穉桑今禿樹如何白髮不教生

拼楮江濱芙蓉一株發紅白二色

芙蓉照水弄嬌斜白紅各一家近日司花出新
巧一技能著兩般花

司花手法我能知說破當知未大奇亂剪素羅裝一
樹略將數朵蘸燕支

過上湖嶺望招賢江南北山

遠山高絕近山低未必低山肯下伊定是遠山矜狡
獍跳青湧碧角幽奇

嶺下看山似伏濤見人上嶺旋爭毫一登一陟一回
顧我脚高時他更高

一水橫拖兩岸峰千痕萬摺碧重誰言老子經行
處身在江山障子中

曉日秋山破格奇青紅明滅舞清漪畫工著色饒渠
巧便有此容無此姿

觀田中鸚鵡啄粟因悟象耕鳥耘之說戲題
烏衣縑布外無華白錦中單分外嘉只麼跳行人不
覺忽然飛起自成花

粟黃蒼白未全秋誰報烏衣早作偷只在林梢築倉

廩便知去處若為搜

衢州近城果園

未到衢州五里時果林一望蔽江湄
黃柑綠橘深红柿樹無風緹脫枝

過三衢徐載叔採菊載酒夜酌走筆

征塗半月客塵黃今夕初逢一雨涼
冷笑菊花堪計會為君八月作重陽

疾風動地雨傾荷一事商量君信麼
試問糟床與簷溜雨聲何似酒聲多

浮石清曉放船遇雨

破曉開船正行忽然頭上片雲生
秋江得雨茶鼎沸怒點打蓬荷葉鳴
遠聽灘喧心欲碎近看浪戰眼初明
夜來暗長前村水絕喜舟人好語聲

船過硯石步

雨中初厭弱篷遮撐起篷來景更佳
岸上長松立如筆波中寒影走成蛇
忽看雲外吐銀鏡一點晨光射玉沙
却出船頭聊放目遠峯無數碧橫斜

下雞鳴山諸灘望柯山不見

地近蓮花江漸深一灘一過快人心
貪看下水船如箭失却柯山無處尋

莫怯諸灘水怒號下灘下似上灘勞長年三老無多
巧穩送驚湍只一篙
却憶歸舟是去年上灘渾似上青天諸灘知我懷餘
怨急送秋風下水船

過章戴岸

山水教無暑牛羊報有村近沙經雨淨遠樹入煙昏
奔走何時了升沉未要論江鷗大自在雪影正孤翻

港汊村 出江流節 添可憐千嶂好輸與一峯尖
過雨日 初軟順風波更恬旋褰篷作屋更掛簾為簾

江水

水色本正白積深自成綠江妃將底藥軟此千里玉
詩人酒未醒快吸一川綠無物嚙清甘和露嚼野菊

晨炊泊楊村

沙步未多遠里名還異原對江穿野店各路人深村
秋水乘新汲春芽煮不渾舟中爭上岸竹裏有清樽

觀水歎二首

我方卧舟中仰讀淵明詩忽聞灘聲急起視惟恐遲
八月濺飛雪清覽良獨竒好風從天來倏然吹我衣
涼生固足樂氣變亦可悲春然慨此水念我年少時
迄今四十年往來九東西此日順流下何日泝流歸

出處未可必一笑姑置之
亂石厄江水要使水無路不知石愈密激得水彌怒
回鋒打別港勇往遮不住我舟歷諸灘闌盡水態度
一聞一喜觀屢過屢驚顧不是見不多觀覽不足故
舟人笑我癡 黠未易語

九月一日夜宿盈川市

下灘一日抵三程到得盈川也發更兩岸漁樵稍燈
火滿江風露更波聲病身只合山間老半世長懷客
裏情西畔大星如玉李伴人不睡向人明

舟過柒步寺

野寺隔疎樾遠舟見深殿獨迳通絕崖長縈度微線
曩遊携童弱攀岸已震眩前瞻足未到下窺意先轉
朝來經雲根塵思起清羨野夫三二輩走過疾於箭
俛仰二十年今老懷昔健

舟過青羊望橫山塔

莫問蘭溪隻隻牌青羊已見玉崔嵬去年辭了橫山
塔不謂今年却再來
孤塔分明是故人一回一見一情親朝來走上山頭
望報道蘭溪酒恰新

過金臺望橫山塔

昨夜愁勤雨今朝喜嬾風金臺斜岸北玉塔正船東
灘改呈新磧山回隱暗峯蘭溪水亭子作意定留儂

下橫山灘頭望金華山
篙師只管信船流不作前灘水石謀却被驚湍漩三
轉倒將船尾作船頭

山思江情不負伊雨姿晴態總成奇閉門覓句非詩
法只是征行自有詩

道是蘭溪水較寬蘭溪欲到怪生難後船只羨前船
快不覺前船閣在灘

玉立金華霄漢間帝封天女錫仙山被他走下嚴灘

去一水窮追竟不還

過橫山塔下

隔岸山迎我沿江柳拜人日搖秋水面波閃白龍鱗
不遣船迷路俱從塔問津一生將玉鏡千古照金身

出橫山江口

白壁當江岸青旗定酒家斷崖侵屋窄細路入門斜
縣近瞻雙塔洲橫隔一沙何須後來客始信此詩嘉

蘭溪雙塔

高塔無尖低塔尖一披錦袖一銀衫問渠何故終不
語却倩灘聲替佛談

宿蘭溪水驛前三首

繫纜蘭溪岸開襟柳驛窓人爭趨夜市月自浴秋江
燈火踈還審帆檣隻更隻平生經此縣今夕駐孤幢
合眼波吹枕開篷月入船奇哉一江水寫此二更天
剝欲酣清賞翻愁敗醉眠今霄懷昨夕雨卧萬峯前
水色秋逾白山光夜不青一眉盡天月萬粟種江星
小酌居然醉當風不覺醒誰家教兒子清誦隔踈櫺

過石塘

萬石中通一線流千盤百折過孤舟灘頭未下人猶
笑下了灘頭始覺愁

烏祈酒

入到嚴州不識田一江兩岸萬青山烏祈酒味君休
問費盡江波賣盡錢

毛永烏祈山兩崖家酒肆向江開也知第一蒲萄
色只問米從何處來毛永烏祈皆池名

過白沙竹枝歌

穿崖絕嶂入雲天烏鵲絕飛半壁間遠渚長汀草如
積牛羊頂上最高山

田畝渾無寸尺強真成水國更山鄉夾江黃去堤
粟一望青來谷桑

絕憐山崦兩三家不種香杭只種麻耕徧沿堤鋤徧
嶺都來能得幾生涯

東沿西泝浙江津去來暮復晨上岸牽檣推棹
子隔船招手認鄉人

昨日下午灘風打頭羨他上水似輕鷗朝來上水帆都
卸真箇輕鷗也自愁

絕壁臨江千尺餘上頭一徑過肩輿舟人仰看瞻俱
破為問行人知得無

過烏石大小二浪灘俗呼浪為郎因戲作竹

枝歌

灘聲十里響千聲躍雪跳霜入眼奇記得年時上灘
苦如今也有下灘時

小郎灘下大郎灘伯仲分司水府關誰為行媒教作
贅大姑山與小姑山

過嚴州章村放歌

石崖削得瘦到筋半點也無塵土痕正如狡狴走得
渴下赴江水一口吞嚴灘過却烏龍嘴兩岸秋山夾
秋水舟中小酌亦不遑眼底生愁失蒼翠尖峯已自
刺大虛峯頭更立玉浮屠好山千隻復萬隻家裏門
前一隻無

晚過側溪山下

看山妙處幾曾知，落照斜明始覺奇。
皺盡衣裳紋欲裂，爭先頭角遠相追。
松梢別放六峰出，江底倒將千嶂垂。
一路詩篇渾漫興，側溪端的不相虧。

自嘲白鬚

三首

強惜數莖鬚，惟愁白却渠。
朝來都白盡，愁惜兩何如。
客傳涅鬚法，老子付一笑。
借令白再玄，能令年再少。
涅鬚只誑客，那可誑妻兒。
誑得妻兒著，還能誑面皮。

夜宿東渚放歌三首

前山欺我船元二，結約江妃行小譎。
乘我船搖忽遠

逃見我船定還孤，出老夫敢與山爭強。
受侮不可更禁當，醉立船頭看夕不知山於何許藏。

看山須看山表裏，不然看山還誤事。
平時只愛萬峯青，落日惟存數尖紫。
浙江船上多少人，往來看山誰識真。
丁寧舟人莫浪語，却恐兒輩不肯去。

天公要飽詩人眼，生愁秋山太枯淡。
旋裁蜀錦展吳霞，低抹在秋山半須臾。
紅錦作翠紗，機頭織出暮歸鷗。
暮鷗翠紗忽不見，只見澄江淨如練。

舟中夜坐

與月隔一簾，去天爭半蓬。
若無蓬與簾，身在太虛中。

富陽曉望

江氛海霧暗前村
四望秋空一白雲
忽有數峰雲上出
好山何故總無根

揚村園戶栽芙蓉為塹一路几數萬枝

揚村江上繞江園
十里霜紅爛欲燃
都種芙蓉作籬落
真將錦繡裹山川
晚粧照水密如積
春色入秋寒
更鮮客舍瓶中兩
三朶可憐向客強
嬋娟

贈法才師

平江淨慧法才長老求予書壺天歸雲四

大字因作四十字以問之

才公南華別不見八年許
辨香宗混融隻眼半塘舉
聊將笋蕨背戲作冠劍語
天還在壺中雲却歸何處

為崇辨法雲師作林野二大字

天下何人不愛官
棄官出世古今難
向來一覺釣天夢
便作林居野處看

跋徐恭仲省幹近詩

仰枕糟丘俯墨池
左提大劍右毛錐
朝蘭夕菊都餐却
更斫生柴爛煮詩

君家詩伯老師川
解道蘆花落釣船
莫笑東湖秋水冷
近來新吐一枝蓮

傳派傳宗我替羞各家各自一風流黃陳籬下休安
脚陶謝行前更出頭

送顏幾聖龍學尚書出守泉州

聽履星辰北斗寒三能只隔寸雲間周家冢宰均四
海漢制尚書本百官鶴鷺班齊瞻進步鳳皇池近却
飛還河圖冠出西清上莫作尋常五馬看

右一用進退格

我昔綾衾下直時公為壁水大宗師清風明月行樂
耳布襪青鞋隨所之顛倒壺觴留落日翻騰山水入
新詩我來公去如相避送眼行塵不得追

右一用逆体

寓仙林寺待班戲題

聽盡鐘魚半月聲浪傳移住竟何曾莫教少欠叢林
情更作今宵且過僧

送殘秋

余七月間在高安郡治一夕夢至脩門外宿留
旅邸問逆旅主人地名謂何答云送殘秋莫曉
其意八月十二日拜

召命是日啓行九月十二日入脩門寓仙林寺
至十月三日

奏事

選德殿竟送殘秋云

夢游帝里送殘秋重九真為帝里游十月初頭方賜
對癡兒枉却一生愁

自跋江西道院集戲答客問

問我來朝南內南便從花底趨朝參新詩猶作江西

集為帶筠州刺史

街時召命以筠州
守臣奏事

嘉定元年春三月男長孺編定

端平元年夏五月門人羅茂良校正

誠齋集卷第二十六

誠齋集卷第二十七

廬陵楊萬里 廷秀

詩

朝天續集

和陸務觀見賀歸館之韻

君詩如精金入手知價重鑄作鼎及萬所向一一中
我如鴛並騷夷塗不應共難追紫蛇電徒掣青絲鞵
折膠偶投漆異榻豈同夢不知清廟茅可望明堂棟
平生憐坡老高眼薄蕭統渠若看猗那心肯望晉宋
破琴聊再行新笛正三弄因君發狂言湖山春已動

街命却勞使客船過崇德縣

北關落日送舡行欲到嘉興天已明睡起一河水片
滿樞瓊櫺玉夢中敲

水面光浮赤玉盤也應知我牽絙夫寒滿何去壁無
人要吹入詩翁凍筆端

岸樹低欹一雪餘枝頭半葉已全無油窓過盡千梢
影濃處還濃枯處枯

讀笠澤叢書

笠澤詩名千載香一回一讀斷人腸晚唐異味同誰
賞近日詩人輕晚唐

松江縣尹送圖徑中有唐詩喜不勝看到燈青仍火
冷復將如割脚如水

拉着唐詩廢晚餐傍人笑我病如癩世間尤物言西
子西子何曾直一錢

舡過蕪州

垂近姑蘇特轉灣盤門只隔柳行間望來望去何時
到且倚船牕看遠山
暮風似箭復如刀落照那能暖客袍天遠地平城更
闊千尋宝塔尺來高

五更過無錫縣寄懷范參政尤侍郎

蘇州欲見石湖老到得蘇州發更了錫山欲見尤梁
溪過却錫山元不知起來靈岩在何許回首惠山亦
無處人生萬事不可期快然却向常州去

午過橫林回望惠山

道是水銷快水程不知青女解藏冰蘆花多處竹陰
底砌作瑤堤不計層
雪餘官路已生塵猶喜長河水稍深恨殺惠山尋不
見忽然追我到橫林

晚過常州

常州曾作兩年住一別重來十年許岸頭楊柳記得

無總是行春繫舡處自笑恍如丁令威老懷成喜亦
成悲人民城郭依然是只有向來鬚髮非

望多稼亭

遙望城頭多稼亭，邊霜檜老更青當年老守携鞭
子芒鞋葵扇繞城行臘前移梅春挿柳蹋雪衝泥不
停手柳未成陰梅未花著帽又迎新太守後來新守
復迎新到今新舊知幾人向來尋植今在否寄與此
詩聊問春

晚日

日影穿波跳碎銀波光弄日走寒星一時飛入舡窗

裡萬草千花變未停
貪看波日弄紅窓竒觀人間不作隻忽被竹陰偷撥
去只餘一面撥醅缸

舟中追和張功父賀赴召之句

兩歲千愁寡一飲故人多問謝張君又瞻東闕前
月只負南溪之上雲賓日扶桑遭聖旦客星釣瀨愧
天文人生離合風前葉聚首止何復離群余所居里名南溪

又追賀功父病起寄謝之韻

霜何曾傍綉簾寒酒不能令客臉丹勤向竹爐温手
脚嬾尋銅鏡整衣冠無人孤坐月將落擁鼻清吟夜

向闌忽憶約齋詩債在自吹燈火起來看

曉過丹陽縣

朝來稍敢出船門霜點依然冷逼人刮地風來何處
避可憐岼篠猛回身

風從舡裡出船前漲起簾幃紫拂天點檢風來無處
覓破窓一隙小於錢

朱簷碧瓦照青瀾潔館佳亭使往還舡上高橋三十
尺市人倚折石欄干

雞犬渙翁共一船生涯都在弱蓬間小兒不耐初長
日自織筠籃勝打閑

水從常潤路都迷曲，長河曲，堤不是兩窓供日
脚更無南北與東西

練湖放閘

滿耳雷聲動地來，窺窓銀浪打船開。練湖終放一寸
水跳作冰河萬雪堆。
水簾南舒去轉虛天，簷北雪望來無相傳。一萬四千
頃老眼初驚見練湖。

過張王廟

地迫人烟寂，山盤水勢回。怪松欹岸出，古廟背河開。
晚色催征棹，斜陽戀去桅。丹徒誰道遠，一眺正悠哉。

舟中晚望

河岸前頭松樹林，樹林盡處見行人。行人又被山遮
斷，風颭酒家青布巾。

晚浪翻風玉作鱗，夕陽捲玉藥成金。忽然躍出西川
錦，製就霞衣不用針。

晚風

晚日暄溫稍霽威，晚風豪橫大相欺。做寒做冷何須
怒，來早一霜誰不知。
晚風不許鑑清漪，却許重簾到地垂。平野無山遮落
日，西窓紅到月來時。

未到丹徒二十里間見石翁石婆

詔許詩人江海游丹徒初到晉徐州爐邊陽谷日長
晝殘底醉鄉天不秋六代興亡何處問一生奔走幾
時休石翁石媪霜前笑管得南朝陵墓愁

暮經新豐市望遠山

小市寒仍靜斜陽澹欲晡偶看平野去不是遠山無
處遮舡住家_{有酒}酌朱樓臨碧水曾駐玉鑿輿
高宗親征嘗小憇于此

樓至今高鑄土人云

小泊新豐市
也知小倦泊樓舡何苦爭先柳岸邊須把碧篙搖綠

淨舟人不惜水中天

曉泊丹陽館

夕凍朝還積寒曦暖未多霜輕猶著草冰重亦浮河
山盡酣餘勢潮歸殿去波六朝遺迹在故老尚傳麼
題連滄觀呈太守張幾仲

開窓納盡大江秋天半飛樓不是樓獨立南徐鼇絕
頂下臨北固虎回頭蒜山舊址空黃鶴瓜步新城照
白鷗好事主人酌詩客風煙一眼到揚州

丹陽舍舟登車渡江

小泊樓舡鐵甕城奴又作絕江行看他蠟燭幾回

剪聽盡鷄聲不肯明水底霜寒還十倍夜來月上悟
三更篙師好語君知否江面侵晨鏡樣平

過揚子江

祇有清霜凍太空更無半點荻花風天開雲霧東南
碧日射波濤上下紅千載英雄鳴去外六朝形勝雪
晴中携瓶自汲江心水要試煎茶第一功
天將天塹護吳天不數教函百二關萬里銀河瀉瓊
海一双玉塔表金山旌旗隔岸淮南近鼓角吹霜塞
北閑多謝江神風色好滄波千頃片時間

過瓜洲鎮

夜愁風浪不成眠曉渡清平却晏然數棒金鉦到江
步一檣霜日上淮舡佛狸馬死無遺骨阿亮臺傾只
野田南北休兵三十載桑疇麥隴正連天完顏亮辛巳南寇築臺望江受誅其上土人云

皂角林

水漾霜風冷客襟苔封戰骨動人心河邊獨樹知何
木今古相傳皂角林

晚泊揚州

揚子橋西轉彩航粉城如練是維揚百年舊觀兵戈
後近歲新開草木荒傑閣高臺雲上出野梅官柳雪

中香史君領客週遭看走馬歸舡欲夕陽

過高郵

解纜維揚欲夕陽過舟履盡已晨光夾河漁屋都編
菽背日舡蓬尚滿霜城外城中四通水堤南堤北萬
垂楊一州斗大君休笑國士秦郎此故鄉

過甌社諸湖進退格東西長七十里南北闊
五十里

為愛淮中掌侶平忽逢巨浸却心驚怪來萬頃不生
浪凍合五湖都是冰碧玉湖寬容我到白銀地滑沒
人行茲游只道清無價清殺詩翁老不勝高郵西北有新開甌

社塘下五湖平阿七里張良味湖又有羨里石旧鵝
兒白凡十一湖相連內有一灣名子父灣見圖經

湖天暮景

湖面黏天不見堤湖心菱葑水周圍暮鴻成陣鴉成
隊已落還飛久未棲

坐看西日落湖濱不是山街不是雲寸寸低來忽全
沒分明入水只無痕
抵暮漁郎初上舡一竿搖入水精天忍寒不睡妨底
事來早賣魚充酒錢

瑣碎肝脾只坐詩鬚鬢成雪鬢成絲暮雲薄倖斜陽
劣合音閣造清愁付阿誰

斷腸浪說賀方回未抵秦郎翦水才欲向湖邊問遺
唱鴛鴦鸚鵡兩相推

曉霜過寶應縣三首

江南霜重莫嫌渠草上還多樹上無淮甸曉來霜似
雪瓊田千里玉平鋪

看來不信是霜華白日青天散曉霞只怪野田生玉
樹更於臘月發瓊花

落木枯林一夜蘇枝節糝瓊酥看來忘却臘前
景一色李花三月初

登楚州城

望中白處日爭明箇是淮河凍作冰此去中原三里
許一條玉帶界天橫

初食淮白

淮白須將淮水煮江南水煮正相違霜吹柳葉落都
盡魚吃雪花方解肥醉臥糟丘名不惡下來鹽豉味
全非饕餮人且莫供羊酪更買銀刀二尺圍

淮人云白魚食雪乃肥

清曉洪澤放閘四絕句

起來霜重滿淮舡更覺今朝分外寒放閘老兵殊耐
冷一絲不挂下水灘

滿閘浮河是斷冰等人放閘要前行劣能開得兩三

板爭作摧瓊裂玉殺
遮藏水面被殘冰流
盡殘冰水正明幸自
奔流搃驩喜落洪傾
做不平聲沿河過閘
夢中聞奇現何曾侶
此晨雪濺雷奔作明
眼天跳地竄也驚人

初入淮河四絕句

舡離洪澤峴頭沙入到淮河意不佳何必桑乾方是
遠中流以北即天涯
劉岳張韓宣國威趙張二相築皇基長淮咫尺分南
北淚濕秋風欲怨誰

兩岸舡舡各背馳波痕交涉亦難為只餘鷗鷺無拘
管北來南去自在飛

中原父老莫空談遙著王人訴不堪却是歸鴻不能
語一年一度到江南

題盱眙軍東南第一山

第一山頭第一亭聞名未到負平生不因王事略小
出那得高人同此行萬里中原青未了半篙淮水碧
無情登臨不覺風烟暮腸斷漁燈隔峴明

建隆家業大於天慶曆春風一萬年廊廟謀謨出童
蔡笑談京洛博幽燕白溝旧在鴻溝外易水今移淮

水前川后年来世情了一波分護兩涯舡

題盱眙軍玻璃泉

清如淮水未為佳泉迸淮山好煮茶鎔出玻璃開海
眼更和月露瀟春芽仰看絕壁一千丈削下青瓊無
點瑕從事不澆愁肺渴臨泓帶雪吸水花

盱眙軍東山飛步亭和太守霍和卿韻

杏花岩左斲東岩驅使淮山指顧間招信上流搃奔
赴僧伽孤塔政驚還今來古往空陳跡遠草斜陽祇
慘顏走馬看山真懨懨忙中拾得片時間

初食太原生蒲萄時十二月二日

淮南蒲萄八月酸只可生吃不可乾淮北蒲萄十月
熟縱可作鞞也無肉老夫臘裏來都梁釘坐那得馬
乳香分明猶帶龍鬚在徑寸玄珠肥十倍太原青霜
熬絳錫甘露凍作紫水精隆冬壓架無人摘雪打水
封不曾拆風吹日炙不曾腊玉盤一朵直萬錢與渠
傾盞真忘年君不見道逢麴車口流涎

彙括東坡餅筵詩序

餞飲東坡月三更中觴忽聞笙蕭声香々若在雲霄
間抑揚往返中八音徐而察之出雙餅水火相得自
歎吟食頃乃已不可尋坐客驚歎得未曾八月四七

歲庚辰

與長孺共讀東坡詩前用唐律後用進退格
急性平生不少徐讀書不喜、規書十行俱下未心
醒兩目頓昏還月餘偶與兒曹繙故紙共看詩句煮
春蔬問來却是東坡集久別相逢味勝初
枉看平生多少書分明便是蠹書魚萬籤過眼還休
去一字經心恰似無急讀何如徐讀妙共看更勝獨
看渠翹生冷笑仍相勸惜取殘零覓句鬚

嘲淮風進退格

絮帽貂裘莫出舡北窓最緊且深閑
顛風無賴知何

故做雪不成空自寒不去掃清天北霧
只來捲起浪頭山便能吹倒僧伽塔
未直先生一笑看

嘲淮浪

碧瑠璃地展青羅橫作一波仍萬波
笑起銀山倚空立碎成雪陣掠人過
爭先打斫終誰勝淘盡浮沙柰汝何
借與樓舡泄餘怒搖來兀去儘從他

舟中不寐

醉去昏然臥綠窻醒來一枕好淒涼
意中為許無佳况夢裏分明到故鄉
淮水打舡千浪雪燕鴻叫月滿天霜
山城更點元無準偏到雞鳴分外長

彙括東坡現棊詩引并四言詩

老坡獨往到廬山白鶴觀中俱晝眠只有棊声人不見
寂然流水古松間

五老峯前松蔭庭風光清美日華明獨游略不逢一
士時有紋枰落子聲

兩作抵暮復晴

棲鵲無陰庇濕衣行人仄傘避斜絲舡兵歸後轎兵
去獨立淮河暮雨時

細雨如塵復似烟兩淮渡口各收舡南商北賈俱星
散古廟無人燒紙錢

雨痕拂水有如無雨點飛空密復疎白鷺窺魚渾欲
下被風吹起不由渠

清平如席是淮流風起雷奔怒不休一浪飛來鷺落
膽早知祇要打舡頭

風伯顛狂太劣生雨師嬾困洒來輕若言不被雲君
誤誰放斜陽作晚晴

盱眙軍無梅郡圃止有蠟梅兩株

只道橫枝春未回又疑不肯犯寒開
遙人問訊花消息不識江梅只蠟梅

臘裏花開已是遲西湖十月見瓊肌
嶺頭猶說南枝

暖却向淮南覓北枝

前苦寒歌

四大海潮打清淮三萬里風平地來
龜山橫身攔不住
潮波怒飛風倒回
欲晴不晴雪不雪
併作苦寒凍人絕
古寺大鍾十字裂
東山石崖一峯壓
勸君莫出君須出
冰脫君髯折君骨

淮河舟中曉起看雪

三日顛風刮地來不成一雪肯空回
何曾半點漏春信
只怪十花連夜開
頃刻裝嚴銀世界
中間徧滿玉樓臺
瓊舡撐入玻璃國
琪樹瑤林不用栽
泊舡正在玻璃泉下

梅花腦子撒成雲
明月珠胎屑作塵
愛水舞來飛就影
怯風斜去却回身
真成一臘逢三白
併把三冬博一春
開放舡窻俟渠入
天差滕六訪詩人
江西田家謔云三冬不博一春

舟中雪作和沈虞卿寄雪詩韻

霜風吹舡著淮陰
淮山高々淮水深
津亭飲散浪如屋
蓬窻曉起雪滿林
西袖拂空捎舞片
數點落几撩孤吟
卷舒東陽琢冰句
不羨銷金歌淺斟

暖熱兩生行

禿穎凍得鬚作冰
老泓飲湯成水精
先生定交兩書

生兩生號寒語不能先生自作飢蟲鳴夜撒祝融戟
玄冥更遣紅玉十麒麟相與部領有脚春暖熱兩生
出精神兩生炙手淚縱橫疆和先生灰々平

淮河再雪

風打波頭波打舡併來枕底攪清眠先生夜起蓬窓
看月滿長淮雪滿天

昨晡日脚盪波紅金早天花舞鏡中雪了又晴々又
雪海神渾不惜神通

淮河中流肅使客

淮水中流各一波南舡小住北舡過生憎兩岍旌旗

脚引得霜風分外多

歸舟大雪中入運河過万家湖

雪漫水面淡糝糊釀出羔兒酒一壺已被羶腴翳
醪更添牛乳點春酥銷金帳下有此否藥玉舡中不
用酤忽見瓊缸清徹底蒲萄一色万家湖

過淮陰縣題韓信廟前用唐律後用進退格
來時月黑過淮陰歸路天花舞故城一劍寒光千古
淚三家市出萬人英少年跨下安无忤老父圯邊愕
不平人物若非現岁暮淮陰何必減宣成
鴻溝祗道万夫雄雲夢何銷武士功九死不分天下

禹一生還負室前鍾古來犬斃愁无盖此後禽空悔
作弓兵火荒餘非旧庙三间破屋两株松

後苦寒歌

白鷗立雪脰透冷鷓鴣避風飛不正一双野鴨欺晚
寒出沒冰河应心性絕冷紅舡黃帽即綠蓑青弱牽
牙槁生愁墮指脫兩耳芦花无何許藏遣馬前頭
買乾荻速烘燄火與一炙三足老鴨寒不出看雲訴
天不泣

晚寒熾炭

老子平生不附炎雪间炉炭晚河添紅光乱拆銀花

碎翠燄雙抽柳柔尖爱惜麒麟牢禁手驅除鹽絮密
垂簾急分一炬牽舡底听上霜刃正侶鎌

雪小霽順風過謝陽湖

都梁三日雪沒屋小舡行水如行陸山陽一朝帆遇
風大舡行水如行空昨來牽夫凍得泣買芦燎衣芦
自濕朝來牽夫皆上舡奴纜脫巾篷底眠樓舡忽然
生兩翼橫飛直過陽侯國千村一抹片子時四岸人
家眼中失似闻咫尺是揚州更數寶應兼高郵青天
萬里当徑度不堪回首都梁路

夜過高郵

水鳥舟人兩不棲
波聲風響總堪悲
竟來枕上三更後
夢到江南一霎時
邵伯問來還漸近
高郵過了不曾知
滿天星月銀河濕
明早新晴也大奇

嘉定元年春三月男長孺編定
端平元年夏五月門人羅茂良校正

誠齋集卷第二十七終

誠齋集卷第二十八

廬陵楊万里 廷秀

詩

朝天續集

雪曉舟中生火

烏銀見火生綠霧
便當水沉一濃炷
却因新續更氤氳
散作霏微煖袍袴
須臾霧霽吐紅光
炯如雲表生扶桑
陽春和日曛滿堂
蒼顏渥丹疑醉鄉
忽然火冷霧三滅
只見紅爐堆白雪
窻外雪深三尺強
牕裏雪深一寸香

烏銀玉質金石聲見火忽學爆竹鳴
脰久不
停白日坐上飛繁星不知何怒泄不平不知何喜唧
唧吟待渠自靜勿與爭切莫借著怒復生到渠緘口
兩耳熱銅餅在旁却饒舌

雪晴

天公有詔放朝晴排遣雲師嬾未行
頭上忽張青土
傘海東湧出紫金鉦雪山冰谷居然暖銀屋瑤臺分
外明二十四舡人笑語寒聲一變作春聲

晚晴

日光射雪、透紅雪光射日、吐虹何人鑄銀作大

地方象都入銀光中詩翁兩眼老病裏愛看晚晴聊
仰視眼睛空花忽亂起紫暈一輪三万里

甘露子一名地蚕

甘露子甘露子喚作地蚕亦良侶不食柘葉不食桑
何須走入地底藏不能作繭不上簇如何也蒙賜湯
沐呼我果謂之果呼我蕪謂之蕪唐林晁錯莫逢它
高陽酒徒咀甬不搖牙

夜過揚州

祇今何許問迷樓更有垂楊記御溝除却瓊花與紅
藥揚州不是古揚州

新晴殘凍未全銷，月戀冰河雪戀橋。
兩岸紅燈成白晝，揚州臘月看元宵。

雪霽曉登金山

焦山東金山，西金山排霄南斗齊。
天將三江五湖水，併作一江字。
楊子來從九天，上瀉入九地。
底遇嶽，立摧遙石，立碎坤乾氣。
力聚此江，一波打來，誰敢當金山。
一何強，上流獨立江中央。
一塵不隨海風舞，一礫不隨海潮去。
四旁无蒂，下无根，浮空躍出江心。
住金宮，銀闕起，峯頭槌鼓，捶鐘闌九州。
詩人踏雪來，清游天風吹，儂上瓊樓。
不為浮生飲玉舟，大江端的

替人羞金山端的替人愁

題金山妙高臺

金山未到時，羨渠奄有萬里之長江。
金山既到了，長江不見，只見千步廊。
老夫平生不奈事，點檢風光，唯可意。
老僧覓我見，睫眉引入妙高臺上，嬉不知。
老僧有妙手，卷舒江山在，怀袖挂上西窓。
方丈間長江浮在，炉烟端長江南邊。
千万山一時飛入，兩眼寒最愛。簷前絕奇處，江心峴然景純墓。
僧言道許乃浪傳，龍宮特書珠貝編。
初云謝靈運愛山如愛命，掇取天台雁蕩怪石頭，疊作假山立中流。
又云王逸少草聖入

神妙天賜瑠璃筆格玉硯屏仍將大江作陶泓老夫
聞二說沉吟未能決長年抵死催上舡徘徊欲去空
茫然

竹枝歌 有序

晚發丹陽館下五更至丹陽出舟人及亭夫終夕
有声蓋謳吟歌謔以相其勞者其辭亦略可辨有
云張哥、李哥、大家着力一齊拖又云一休、
二休、月子亭、照几州其声凄婉一唱衆和曰
櫂括之為竹枝歌云

吳儂一隊好兒郎只要舡行不要忙着力大家齊一

拽前頭管取到丹陽

莫笑樓舡不解行識儂號令聽儂声一人唱了千人

和又得嗟前五里程

舡頭更鼓恰三槌底事荒雞早片啼戲學當年度閩

客且圖一笑過前溪

積雪初融做曉晴黄昏恬靜到三更小風不動還知

麼且只牽舡免打冰

岸旁燎火莫闌殘須念兒郎手脚寒更把綠荷包熱

飯前頭不怕上高灘

月子亭、照几州几家驩樂几家愁、殺人來閩月

事得休處且休
幸自通宵暖更晴何勞細雨送殘更知儂笠漏芒鞋
破湏遣拖泥帶水行

過京口以南見竹林

行從江北別梅兄歸到江南見竹君却憶西湖上
寺梅花如雪竹如雲

過呂城閘

閘頭洲子許團團古廟蕭條暮雨寒榆柳千株無半
葉冬青一樹碧琅玕

泊舡到得暮鐘時等待諸舡不肯齊等得舡奔方過

閘又湏三鼓到荆溪

昨宵聽尽棹謳聲愁裏無眠達五更今夕雨寒泥又
滑作何計會速天明

等到舡齊閘欲開舡人捩拖整帆桅一舡最後知何
故日許時間獨不來

纔聞閘閘總歡欣第一牽夫有喜聲只得片時天未
黑後來天黑也甘行

道是行舡也未行老夫誤喜可憐生要知閘閘真消
息記取金鉦第二聲

再過常州

淮浦回春舫荆溪又早炊
向來迎客處還似逐儂時
父老今餘幾山川別後奇
旧游休再至再至只成悲

晝眠聞鴈

夢裏霜鴻叫絕天
鬢鬆睡眼起來看
殷勤甓社湖中
客送我南歸到惠山

橫林望見惠山寄尤延之

惠山一別十年強
雪後精神老更蒼
白玉屏風三萬
丈半天遮斷太湖光

惠山孤絕未為孤
下有詩仙伴却渠
占斷惠山妨底
事無端更占洞庭湖

平生玉樹伴薰葭
晚歲春蘭隔菊花
咫尺遂初堂下
水寄詩猶自怨人遐

遣騎迎家久稽來訊

還家、尚緬迎家、未去住兩不知
安否更相猜
偶思十年事誰謂今歲乖
始我離高安述職朝天街
中外理難必骨肉心與借
同室忽分塗老情非不懷
入京就一列汲、營尺榱
墻屋亟求完婦子豈我催
前知來期杳更用辛苦為屬
以王事出寒艚如江淮
風霜厉宵泳山水荐曉瓌
六朝几宿草事往空餘哀
夢收兒女書喜極曉為開
一欣雖非實差慰腸九回

歸帆拂惠山良訊傳荆涯啓緘復非真旅思弥不佳
舡門且看雪呼僮滌荷杯

舟中奉懷三館同舍

岸樹枝、瘦汀蕪節、枯雲苗雪且住風與屋相呼
一老凍欲死羣仙知也無更緣詩作祟病骨轉清臞

過望亭

望亭昔歲過歸舡柳為踈蹻杏為妍今日溪山渾似
旧雪芦風荻雨蕭然

意間雨打淚新斑破處風來叫得酸若是詩人都富
貴遣誰忍餓遣誰寒

暮鴻作陣猛相追風有何忙也急吹惱殺詩人真狂
却雲意霧閣不曾知

兩岸山林總解行一層送了一層迎天公收却春風
面拈出酸寒水墨屏

朝、暮、見長河見了長河只厭它却愛西師能西
水不看死浪與生波

晴河不似雨中看晴裏波紋只單斑却是兩河新樣
巧簾間織出小金鏤

跋黃文若詩卷

五字長城壁不如鼠肝虫臂得閑渠竹坡集裏曾相

識驚見蘭亭繭紙書

垂虹亭觀打魚斫鮓

橋柱踈々四寂然亭前突出八魚舡
一聲磔々鳴榔起驚出銀刀躍玉泉

六隻輕舡攬四旁兩船不動水中央
網絲一撒還空舉笑得倚欄人斷腸

漁郎妙手絕多机一網收魚未足奇
剛向人前揆勳績不教速得只教遲

鮓魚小底最為佳一白雙腮是當家
旋看冰盤堆白雪急風吹去片銀花

吳人号鮓曰土鮓太湖鮓魚四腮通白色肉細味美不腥松

江鮓三腮黑脊肉粗味淡而腥見圖徑

過太湖石塘三首

纔轉舡頭特地寒初無風色自生湍
堤橫湖面平分白水拓天圖分外寬
一鏡銀濤三萬頃獨龍玉脊百千蟠
若為結屋芦花裏月笠雲簑把釣竿

太湖三萬六千頃見圖徑

每過松江得偉現玻璃盃底釘乾坤
天邊島嶼空無際烟外人家澹有痕
笠澤古今多浪士包山近遠在

何村季鷹魯望何曾死雪是衣裳月是魂

兀坐舡中只欲眠不如舡外看山川
松江是物皆詩料蘭漿穿湖即水仙
將取垂虹亭上景都歸却月觀

中篇正緣王事游方外鑿齒弥天未當墮

過八尺遇雨

垂虹登了劣歸舡又復毛空暗水天節裏無多好天色
蘭風長雨錢殘年長去声

去年今日鳳山頭兒女團栾爭勸酬不及松江烟雨裏
獨搔華髮一扁舟

細雨無声忽有声乱珠跳作萬銀釘呼僮速買鹿村

酒更煮鯪魚蓴菜羹

鹿音遁吳江地名其酒清冽

過上湖

上湖名是實全非只合松江鴈鷺池若與五湖通濬

系澹臺湖第太湖兒

澹臺湖屬吳縣有澹臺城明墓

過平望

豈但湖天好諸村總可人麥苗染不就茅屋西來真
行止隨緣著江山到處新十年三過此羸得鬢如銀

又

行得三吳徧清竒最是蘇樹圍平野合水隔別村孤
震澤非塵世松陵是西圖更添一詩老載雪過重湖

又

小麥田々種垂楊岸々栽風從平望住雨傍下塘來
乱港文穿市高橋過得梳誰言破書篋擔取太湖回

葉叔羽集同年九人於櫻桃園錢鼐明何同
叔即席賦詩追和其韻

八座能分一日光題名猶記榜間黃
看渠超出金闈
彥頌我曾為令舍即高會九人尋水石
縱談一笑間
宮商越王孫子瓊瑤句細把重吟恐脫忘

右和錢衣不明韻

天門金榜出槐宸四海同年骨肉親
走馬看花總幾
日曉星殘月半無人淡問平叔元如玉
句裏司勳別
有春欲把清新比梅雪却愁梅雪未清新

右和何同叔韻

秀州嘉興館拜賜春幡勝

中使傳宣下紫宸
鏤頭濃染御香雲
綵幡耐夏宜春
字寶勝連環曲水
紋痴侶土牛鞭不動
老登金馬媿
無聞強簪華髮知
雅稱只有新詩頌
萬分幡勝用鏤頭紙貼

立春日舟前細雨

急風陣陣吹白塵
着人怪底濕衣巾
隔溪平林橫素
練起後山脚
縈山面近山如霧
復如烟遠山失却只
餘天
今朝春日得春雨
潤物無聲非浪語

漁舟

絕小漁舟葉似輕
荻蓬密蓋不聞聲
無人無釣無蓑

笠風自吹舡，自行

入長安閘

舡入長安恰三更，歸人都喜近臨平。陰晴天色知何似，蓬上惟聞掃雪聲。

記夢中紅碧一聯

喜教兒聯句，那知是夢中。天窺波底碧，日抹樹梢紅。覺後念何說，意間難強通。元來一夜雪，明曉散晴空。

過臨平

臨平放目渺無涯，蓮蕩蘋汀不釘牌。雪後輕舡四榜漉，蘆花殘荻摠成柴。

人家點綴荻花林，水繞堦除雪濕衿。最是疎籬與脩竹，脚根半入小河深。

庚戌正月三日約仝舍游西湖

不到西湖又兩年，西湖風物故依然。道旁松桧俱无恙，笑我重来雪滿顛。

春光欲動意猶遲，來許游人浪見依。只有梅花藏不得，隔離穿竹出橫枝。

黃金榜揭集芳園，只隔牆頭便是天。西母雲車寒未降，鶯花作意辦新年。

南北高峯巧避人，旋生雲霧半腰橫。縱然遮得青蒼

面玉塔双尖分外明

下竺泉溢上竺来前波後浪緊相催泉声似说西湖
好流到西湖不要回

補種杉松逕已成泥乾塵淨正堪行草芽併作傷心
碧只欠先生屐子声

上竺諸峯深復深一重一掩翠雲衿只言人跡無来
路動地鐘声與梵音

家、砌下過清泉寺、雲边占碧山走馬來看已心
醒更教選勝住中間

樹生石上土全无只見青葱不見枯好在冷泉亭下

水為渠憑檻數游魚

閘住清泉似鏡平閘開奔浪作潮声放閘一板還收
去依旧穿沙繞石行

題浩然李致政義槩堂

非俠非狂非逸民讀書謀國不謀身一封北阙三千
牘再活西州六萬人雨露晚從天上落芝蘭親見掌
中新仁心義聚絲綸語長掛巴山月半輪

謝李君亮贈陳中正墨

麝烟薰透大入松膠國吹成赤鯁公龍尾研磨碎蒼
壁鼠鬚飛動出賸虹誰言陳子草立手突過蒲家瀆

墨功老我久無椽樣筆為君小楷注魚虫

贈倪正甫令子阿麟

精神玉雪眼黥漆搃角兩髦錦纏碧即君未出客已
驚隔窻讀書寫雀声松烟兔穎小三昧蠶尾銀鈎略
無對鍾王筆法老始成阿麟今纔十二齡七十列傳
十二紀白頭書生不能記乱抽架上聊試渠橫誦倒
誦如流水二雅三頌已作箋要與毛鄭爭先鞭吟詩
作賦更餘事不論五言魚七字奉常先生有陰功翰
苑仙人有家風高科好官手可唾更看声名塞天破
老夫還曾浪語麼老夫還曾浪語麼

記張定叟煮笋徑

江西貓笋未出尖雪中土膏養新甜先生別得煮笋
法丁寧勿用醃与鹽岩下清泉湏旋汲熬出霜根生
蜜汁寒芽嚼作冰片声餘瀝仍和月光吸菘羔楮雉
浪得名不如來參玉板僧醉裏何須酒解醒此羹一
椀爽然醒大都煮菜皆如此淡處當知有真味先生
此法未要傳為公作徑藏名山

和丘宗卿贈長句之韻

君入脩門纔一見我出脩門風刮面歸來急問有新
詩句、舉似君不疑殿門握手冠纓絕炯如雲破瞻

秋月老懷勃鬱必不閉為君傾豁情既竭君詩元自
過黃初古雅丁敬麓可娛詩拉端是一敵國乃不自
惜下取予向未交將半生死悼往喜今同彼此老夫
懶性不便書乞頴為君浴清泚聖去何時同一中縱
談社燕與秋鴻芒鞋藤杖尋春風天竺靈隱九里松
古來樂事天慳與怪珍未必逢良賈即今又欲駕官
舡淮水中流送歸虜金山獨上妙高臺再興海若相
淚潛歸時藉手无一字教君笑殺老誠齋

大兒長孺赴零陵簿示以雜言

長孺曰
名壽仁

好官易得忙不得好人難做須着力汝要作好官令

公書考不可鑽借令以鑽得遺臭千載心為寒汝要
作好人東家也是橫目民選官無選處却與天地長
青春老夫今年六十四大兒壯氣歲初筮仕先人門戶
冷如冰豈不願汝取高位高位莫愛渠愛了高位失
丈夫老夫老則老官職不要討白頭官裏捉出來生
愁無面見草萊老夫不足學聖賢有前作譬如着碁
着到國手時國手頭上猶更休有着

正月五日以送伴借官侍宴集英殿十口號

殿下鞭聲再掣雷玉皇徐下九天來陰晴不定朝來
定五色祥雲霍地開

一點胡行朝漢天英符來自玉門関旧時千歲琵琶
語新學三声禹歲山

金鬣狡狴立玉臺馭瞻御坐首都回水沉山麝蕃薇
露漱作香雲噴出來

千官拜舞仰虛皇奉上瑤池萬壽觴殿上雙傳送御
酒檻前一曲繞虹梁

大極重開萬物新 紹熙天子宴群臣梨園好語君

須聽玉曆初頒第一春

詞臣倪正甫撰致語口号
云玉曆初頒第一春

已賜儀寫錦生蒲起來再立聽傳胪君王欲勸群臣
酒宣示天杯一滴無

猛士緣竿尔壯哉踏空舞閣四裴回一声白雨催花

鼓十二竿頭捻下來

賜花新剪茜香羅纂編烏紗未覓多花重紗輕人更
老撻頭不起奈春何

廣場妙戲鬪程材未得天顏一笑開角觥罷時还宴
罷卷班出殿戴花回

賀老如何尾佖班真官也作借官看君恩至重无真
假賜酒何曾味兩般

三花斛

省前見賣花擔上有瑞香水仙蘭花同一瓦斛

者買置舟中各賦七字

侵雪開花雪不侵開時色淺未開深碧團宗裏尹成
束紫蓓蕾中香滿衿別派近傳庠阜頂孤芳元自洞
庭心詩人自有薰冠錦不用衣篝炷水沉

右瑞香

生來体弱不禁風匹侶頻花較小豈腦子醜薰衆香
國江妃寒損水精宮銀臺金瓊談何佑攀弟梅兄品
未公寄興金華老仙伯凌波仙子更凌空

右水仙

雪徑輸開淺碧花冰根亂吐小红芽生无桃李春風

面名在山林處士家政坐國香到朝市不容霜節老
雲霞江籬圃蕙非吾耦付與騷人定等差

右蘭花

再併賦瑞香水仙蘭三花

水仙頭重力纖弱碧柳腰支黃玉萼娉々嫋々誰為
扶瑞香在旁扶着渠春蘭初芽嫩仍短矯如穉子無
人管瑞香綠葉濃如雲風日不到况路塵生時各在
一山許畦丁作媒得相聚三花異種復異粧三花全
韻更全香詩喜渠伴幽獨不道被渠教斷腸

寄題朱元晦武夷精舍十二詠

精舍

憶我南溪北之岩萬壑亭如巢紫陽叟浣殺一峯青

仁智堂

學子可憐生處來參老子仁智若為淡指侶秋山水

隱求堂

夢裏長逢孟羨中亦見顏痴兒入吾室真作采薇看

止宿寮

一老說淡話諸君未要眠閑窓放山月把酒奏溪泉

石門塢

乱石堆成玉笈峯便是門莫將塵底脚踏浣塢中雲

觀善齋

覘碁不作秋覘斲不作石要知麗澤功祇片是消息

寒棲館

鍊玉雲粘杵朝真露濕衣一声半夜鶴月裏羽人歸

晚對亭

大隱翠屏孤何許最正面日落未落時亭上來相見

鐵心亭

誰將點漆金鑄作孤竹笛林外吹一散震落千峯石

釣磯

月夜乘醉來垂竿曲溪曲水清無寸鱗釣得半輪玉

茶竈

茶灶本笠澤。飛來摘茶國。墮在武夷山。溪心化為石。

漁艇

精舍何曾遠。人在九曲北。漁艇若不來。弱水萬里隔。

和劉德脩用黃文叔韻贈行

碧玉長篙黃篔簹。篷雨淮烟兩五湖。風金梭織錦。煩詩
匠瓊尺裁雲。補化工去路。江山隨意綠。歸時桃李新。
腸紅岷峨二妙。貽雙壁萬丈光芒。照病翁。

嘉定元年春三月男長孺編定

端平元年夏五月門人羅茂良校正



